

Vijesti

## Izložba fotografija Mirjane Blažević-Lešić: Veza sa Nizozemskom ne prestaje ni po povratku u BiH

U svom radu je iskazivala i spajala onaj najbolji duh bosanskohercegovačke tradicije i nizozemske kulture.

Piše: Moja BiH

14.02.2020.



Uspješan rad Mirjane Blažević-Lešić u Gradskoj biblioteci Den Haag/ Ambasada BiH u Nizozemskoj



**G**rađani porijeklom iz Bosne i Hercegovine koji žive i rade u Kraljevini Nizozemskoj, sa pravom se smatraju jednom od najbolje integriranih zajednica, koja ostvaruje značajane rezultate i doprinose na privrednom, znanstvenom i umjetničkom planu ove zemlje.

Potvrda za takav stav je i otvaranje izložbe fotografija Mirjane Blažević-Lešić u prostorijama biblioteke Transvaalkwartier u Haagu 12. februara, koja se ovim umjetničkim izrazom simbolično oprostila od svojih dugogodišnjih kolega sa kojima je radila u Gradskoj biblioteci Den Haag od 1995. godine.



Preporučujemo

**Ambasadorici Čolaković priznanje za uspješno povezivanje bh. dijaspore**

Prisutnima se obratila ambasadorica Mirsada Čolaković koja je u svom prigodnom govoru navela da je Mirjana Blažević-Lešić, zajedno sa svojom porodicom, došla u Nizozemsku kada je njena zemlja bila u najtežim trenucima u nedavnoj istoriji i da je uspjela da se iskaže - ne samo u svakodnevnom radu u biblioteci - nego i na umjetničkom planu, kroz promocije knjiga, plesne predstave, dramaturške postavke i izložbe.

U svom radu je iskazivala i spajala onaj najbolji duh bosanskohercegovačke tradicije i nizozemske kulture.



Uspješan rad Mirjane Blažević-Lešić u Gradskoj biblioteci Den Haag/ Ambasada BiH u Nizozemskoj

Direktorica Biblioteke Leidschenveen Emina Aydin Hastan i direktorica biblioteke Transvaalkwartier Karen de Jonge, sa svoje strane su, govorile o uspješnom radu Mirjane Blažević-Lešić u Gradskoj biblioteci Den Haag, kao i o projektima i umjetničkom radu van biblioteke.

Direktorica Aydin je posebno naglasila da je Mirjana nosilac značajnog priznanja i nagrade Gradske biblioteke Den Haag kao najbolji bibliotekar u 2011. godini. Direktorice su naglasile da je u svom radu unijela jedan novih duh i dimenziju što je ostavilo nesumnjiv trag na rad njihovih institucija.



Preporučujemo

**SSD i Platforma BiH u Nizozemskoj: Dijaspورا je kapital koji država treba i mora da iskoristi**

U svom obraćanju Mirjana je iskazala zahvalnost svim svojim suradnicima i Nizozemskoj u kojoj je uspjela da se iskaže na profesionalnom i umjetničkom polju. Njena veza sa Nizozemskom ne prestaje po povratku u BiH, jer planira da realizira projekte u kojima će biti uključeni i njeni nizozemski partneri.